



# Հովհաննես Թումանյան

## Երկար գիշերներ

Տանջվում եմ անքուն գիշերն անկողնում,  
Տանջվում հուսահատ, վաստակած, տրկար,  
Եվ մըտքերն հոգիս հանգիստ չեն թողնում,  
Եվ գիշերը մո՛ւթ, գիշերը երկար:

Ա՛խ, մի ժամանակ, և դեռ նոր էր այն,  
Մայրական գիրկ էր աշխարքն ինձ համար,  
Հրրճվանքը սրբտիս չէր թըվում ունայն,  
Ոչ գիշերն այսպես տաղտկալի, երկար:

Էհ, անցա՛վ, գնա՛ց. և՛ ցընորք, և՛ սեր,

Ե՛վ ույժ, և՛ եռանդ կորավ՝ ինչ որ կար,  
Եկան սև օրեր ու ծանրը հոգսեր  
Ու դարձրին այսպես գիշերը երկար:

Տանջվում եմ անքուն այժրն անկողնում,  
Եվ հուսակըտուր, հոգնած, ուժասպառ

Նայում եմ, նայո՛ւմ, դեռ չի լուսանում.  
Ա՛խ, այս գիշերներն ինչքա՛ն են երկար:

